

სახელმწიფო შესყიდვის შესახებ ხელშეკრულება №85
ელექტრონული ტენდერი №SPA190003360

ქ. მცხეთა

12 ივლისი 2019 წ.

ერთის მხრივ, სსიპ საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“), წარმოდგენილი მისი საფინანსო დეპარტამენტის უფროსის ვლადიმერ სიხარულიძის სახით (მოქმედი სსიპ „საქპატენტის“ თავმჯდომარის 2013 წლის 03 იანვრის №04 ბრძანებით მინიჭებული უფლებამოსილების საფუძველზე), და მეორეს მხრივ, შპს „ალტა“ (შემდგომში „მიმწოდებელი“) წარმოდგენილი მისი დირექტორის კახა ჭოველიძის სახით, „სახელმწიფო შესყიდვების შესახებ“ საქართველოს კანონის და მიმწოდებლის სატენდერო წინადადების საფუძველზე, №SPA190003360 ელექტრონული ტენდერის ჩატარების შედეგად, დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „დღე“, „კვირა“, „თვე“ – კალენდარული დღე, კვირა, თვე.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.5. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.6. „ტექნიკური დავალება“ – №SPA190003360 ელექტრონული ტენდერის სატენდერო დოკუმენტაციის ტექნიკური დავალება.

2. ხელშეკრულების საგანი

- 2.1. ხელშეკრულების საგანს წარმოადგენს: სსიპ „საქპატენტის“ 2019 წლის საკუთარი სახსრების ფარგლებში, მელნის/საღებავის კარტრიჯების (CPV-30192113) შესყიდვა, შემდგომში - საქონელი.
- 2.2. შესასყიდი საქონლის დასახელება, რაოდენობა, მახასიათებლები, ერთეულის და საერთო ფასი მოცემულია ხარჯთაღრიცხვაში (დანართი №1), რომელიც თან ერთვის ხელშეკრულებას და წარმოადგენს მის განუყოფელ ნაწილს.

3. ხელშეკრულების ჯამური ღირებულება

- 3.1. ხელშეკრულების საერთო ჯამური ღირებულება დღგ-ის ჩათვლით შეადგენს: 424 (ოთხას ოცდაოთხი) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის შესყიდვასთან და მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2. ანგარიშსწორება განხორციელდება მიმწოდებლის მიერ ფაქტიურად მიწოდებული საქონლის შესაბამისი მიღება-ჩაბარების აქტის გაფორმების და საანგარიშსწორებო დოკუმენტაციის (საგადასახადო ანგარიშ-ფაქტურა, სასაქონლო ზედნადები) წარდგენიდან 10 (ათი) კალენდარული დღის განმავლობაში, მიმწოდებლის მიერ მითითებული რეკვიზიტების მიხედვით.

5. საქონლის მიღება-ჩაბარების წესი

- 5.1. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.2. იმ შემთხვევაში თუ, მიწოდებული საქონელი შეესაბამება ხელშეკრულებით და ტექნიკური დოკუმენტაციით გათვალისწინებულ მოთხოვნებს, ხელშეკრულებით გათვალისწინებული პირი მიღება-ჩაბარების აქტის საფუძველზე ახორციელებს მიწოდებული საქონლის მიღებას, ხოლო თუ, საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულებით და ტექნიკური

დოკუმენტაციით გათვალისწინებულ მოთხოვნებს შემსყიდველს უფლება აქვს არ მიიღოს ნაკლოვანი საქონელი და დაუბრუნოს იგი მიმწოდებელს მიმწოდებლის ხარჯით.

- 5.3. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს: ადმინისტრაციული დეპარტამენტის საგამომცემლო განყოფილების უფროსი ნინო ბებრიშვილი.

6. საქონლის მიწოდების ადგილი და ვადა

- 6.1. საქონლის მიწოდებას მიმწოდებელი განახორციელებს საკუთარი ხარჯებით შემსყიდველის მისამართზე: ქ. თბილისი, ნინო რამიშვილის ქ. №31.
- 6.2. საქონლის მიწოდება განხორციელდება ხელშეკრულების გაფორმებიდან არა უგვიანეს 20 (ოცი) კალენდარული დღის განმავლობაში (შესაძლებელია როგორც ერთიანად, ისე ეტაპობრივად).
- 6.3. საქონლის მიწოდებას მიმწოდებელი უზრუნველყოფს საკუთარი ხარჯებით საქართველოს კანონმდებლობით გათვალისწინებული ყველა გადასახადისა და საქონლის მიწოდებასთან დაკავშირებული ყველა ხარჯის ჩათვლით.

7. მხარეთა უფლება-მოვალეობანი

- 7.1. შემსყიდველი უფლებამოსილია:
- 7.1.1. მოსთხოვოს მიმწოდებელს საქონლის მიწოდება ხელშეკრულებით გათვალისწინებული პირობებითა და ვადებში;
- 7.1.2. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
- 7.1.3. მიიღოს მხოლოდ წინამდებარე ხელშეკრულებით გათვალისწინებული საქონელი;
- 7.1.4. უარი განაცხადოს უხარისხო და ხარვეზიანი საქონლის მიღებაზე.
- 7.2. შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.
- 7.3. მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 7.4. მიმწოდებელი ვალდებულია:
- 7.4.1. გადასცეს შემსყიდველს ტექნიკური დოკუმენტაციის შესაბამისად ნივთობრივად და უფლებრივად უნაკლო საქონელი და მასთან დაკავშირებული დოკუმენტაცია, წინამდებარე ხელშეკრულებით გათვალისწინებულ ვადებში.
- 7.4.2. მიაწოდოს საქონელი სათანადო ხარისხით. შემოთავაზებული საქონელი უნდა იყოს ახალი, ორიგინალი (ორიგინალი გულისხმობს პრინტერის მწარმოებლის მიერ დამზადებულ, ან ამავე მწარმოებლის მიერ სერთიფიცირებული კომპანიის მიერ დამზადებულ პროდუქტს), დამზადებული ქარხნული წესით და შეესაბამებოდეს საბეჭდი მოწყობილობების მწარმოებლის მიერ გაცემულ პარამეტრებს (სიგანე, სიღრმე, სიმაღლე, ბეჭდვის ფერი, ბეჭდვის რესურსი და ა.შ).
- 7.4.3. მიწოდებულ კარტრიჯებზე უნდა ვრცელდებოდეს გარანტია არანაკლებ 6 (ექვსი) თვის ვადით მიღება-ჩაბარების აქტის გაფორმების თარიღიდან. ხარვეზის აღმოჩენის შემთხვევაში, მიმწოდებელმა საკუთარი ხარჯებით უნდა უზრუნველყოს წუნდებული საქონლის ახლით შეცვლა, შემსყიდველის მოთხოვნიდან 3 (სამი) სამუშაო დღის ვადაში.

8. ხელშეკრულების შესრულების კონტროლი

- 8.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 8.2. ხელშეკრულების მიმდინარეობის კონტროლის მიზანს წარმოადგენს საქონლის მიწოდების ვადების და მიწოდებული საქონლის ან/და მისი ნაწილის ხარისხის ხელშეკრულების მოთხოვნებთან შესაბამისობის დადგენა.
- 8.3. შემსყიდველის მხრიდან ხელშეკრულების შესრულების კონტროლს განახორციელებს ადმინისტრაციული დეპარტამენტის საგამომცემლო განყოფილების უფროსი ნინო ბებრიშვილი.
- 8.4. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

- 9.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ

ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით.

- 9.2. პირობების გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით.
- 9.3. მიმწოდებლის მიერ ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში შემსყიდველი უფლებამოსილია დააკისროს მიმწოდებელს ჯარიმა ხელშეკრულების ღირებულების 10%-ის ოდენობით.
- 9.4. არაჯეროვნად შესრულებას წარმოადგენს უხარისხო საქონლის მიწოდება. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით გარდა მე-9.5. პუნქტით განსაზღვრული შემთხვევებისა.
- 9.5. მიმწოდებლის მიერ დაგვიანებით მიწოდებას წარმოადგენს წინამდებარე ხელშეკრულებით გათვალისწინებული მიწოდების ვადის დარღვევა, რისთვისაც შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე დროულად მიუწოდებელი საქონლის ღირებულების 0,02%-ის ოდენობით.
- 9.6. წინამდებარე ხელშეკრულების 4.2. პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის ღირებულების 0,02%-ის ოდენობით.
- 9.7. შემსყიდველს უფლება აქვს მოახდინოს პირგასამტეხლოს გამოქვითვა მიმწოდებლისათვის გადასახდელი თანხიდან.
- 9.8. იმ შემთხვევაში თუ ამ ხელშეკრულების 9.5. პუნქტით განსაზღვრული პირგასამტეხლოს ჯამური ოდენობა გადააჭარბებს ხელშეკრულების საერთო ღირებულების 1%-ს, შემსყიდველი უფლებამოსილია ცალმხრივად შეწყვიტოს ხელშეკრულება.
- 9.9. მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება.
- 9.10. ხელშეკრულების პირობების დარღვევისათვის გათვალისწინებული პასუხისმგებლობა არ ათავისუფლებს მხარეებს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

- 10.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 10.3. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

11. ფორს-მაჟორი

- 11.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი.
- 11.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედებები, ეპიდემია, კარანტინი, საბიუჯეტო ასიგნებების მკვეთრი შემცირება, სახელმწიფო გადატრიალება და სხვ.).
- 11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ხელშეკრულების მოქმედების ვადა და შეწყვეტის პირობები

- 14.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2019 წლის 31 დეკემბრამდე.
- 14.2. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.
- 14.3. ნებისმიერ მხარეს შეუძლია ცალმხრივად შეწყვიტოს წინამდებარე ხელშეკრულება მეორე მხარის მიერ წერილობითი შეტყობინების მიღებიდან 10 (ათი) დღის ვადაში, იმ შემთხვევაში, თუ:
 - 14.3.1. ხელშეკრულების ერთ-ერთი მხარე სისტემატიურად არღვევს ხელშეკრულების პირობებს;
 - 14.3.2. წინამდებარე ხელშეკრულების მე-10 მუხლით გათვალისწინებული შემთხვევების დადგომისას არსებითად იცვლება ხელშეკრულების პირობები;
 - 14.3.3. დაუძლეველი ძალის (ფორს-მაჟორი) მოქმედება გრძელდება 1 (ერთი) თვეზე მეტ ხანს;
 - 14.3.4. წინამდებარე ხელშეკრულების 9.8. და 9.9. პუნქტებით გათვალისწინებულ შემთხვევას ექნება ადგილი.
- 14.4. ნებისმიერ მხარეს შეუძლია ცალმხრივად შეწყვიტოს ხელშეკრულება საქართველოს სამოქალაქო კოდექსით გათვალისწინებული საფუძვლებით.

15. დასკვნითი დებულებები

- 15.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორი) ეგზემპლარად (ერთი ეგზემპლარი მიმწოდებელს, ერთი შემსყიდველს).
- 15.2. წინამდებარე ხელშეკრულების ნებისმიერი მუხლის, პუნქტის ან/და დებულების ბათილობა ან/და ძალდაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე.
- 15.3. ურთიერთობაში, რომელიც არ არის რეგულირებადი წინამდებარე ხელშეკრულებით, რეგულირდება მოქმედი კანონმდებლობის შესაბამისად.

16. მხარეთა რეკვიზიტები და ხელმოწერები

შემსყიდველი

სსიპ საქართველოს ინტელექტუალური საკუთრების ეროვნული ცენტრი „საქპატენტი“
მისამართი: ქ. მცხეთა, ანტიოქიის ქ. №5
საიდენტიფიკაციო კოდი: 203831363
საბანკო რეკვიზიტები:
მიმღების ბანკი: სახელმწიფო ხაზინა
მიმღების დასახელება: ხაზინის ერთიანი ანგარიში
ბანკის კოდი: TRESGE22
სახაზინო კოდი/ანგარიშის ნომერი: 707807132

მიმწოდებელი

შპს „ალტა“
მისამართი: ქ. თბილისი, ბელიაშვილის ქ. №104
საიდენტიფიკაციო კოდი: 211380691
საბანკო რეკვიზიტები:
სს „თიბისი ბანკი“
ბანკის კოდი: TBCBGE22
ანგ. № GE06TB0600000013467445

საფინანსო დეპარტამენტის უფროსი
ვლადიმერ სიხარულიძე

დირექტორი
კახა ჭოველიძე

ხარჯთაღრიცხვა (დღგ-ის ჩათვლით)

N	შესყიდვის ობიექტის დასახელება	ბეჭდვის რესურსი 5%- იანი დაფარვის შემთხვევაში	შესყიდვის ობიექტის მწარმოებელი ქვეყანა და სასაქონლო ნიშანი	შესყიდვის ობიექტის მოდელი	რაოდ. (ცალი)	ერთ. ფასი დღგ-ის ჩათვლით (ლარი)	საერთო ღირებულ ება დღგ- ის ჩათვლით (ლარი)	საგარანტიო ვადა
1	ფერადი ჰავლური პრინტერისთვის Canon PIXMA iP7240 შავი ფერის მელნის პიგმენტი, ორიგინალი	300 გვ.	იაპონია/Canon	PGI-450PGBK (Pigment Black)	2	52	104	6 თვე
2	ფერადი ჰავლური პრინტერისთვის Canon PIXMA iP7240 შავი ფერის მელნის კარტრიჯი, ორიგინალი	376 გვ.	იაპონია/Canon	CLI-451BK (Black)	2	40	80	6 თვე
3	ფერადი ჰავლური პრინტერისთვის Canon PIXMA iP7240 ლურჯი ფერის მელნის კარტრიჯი, ორიგინალი	332 გვ.	იაპონია/Canon	CLI-451C (Cyan)	2	40	80	6 თვე
4	ფერადი ჰავლური პრინტერისთვის Canon PIXMA iP7240 ყვითელი ფერის მელნის კარტრიჯი, ორიგინალი	344 გვ.	იაპონია/Canon	CLI-451M (Magenta)	2	40	80	6 თვე
5	ფერადი ჰავლური პრინტერისთვის Canon PIXMA iP7240 წითელი ფერის მელნის კარტრიჯი, ორიგინალი	319 გვ.	იაპონია/Canon	CLI-451Y (Yellow)	2	40	80	6 თვე
სულ ჯამი: 424								